



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Aprilis, Maii & Ivnii

Lippeloo, Zacharias

Coloniae Agrippinæ, 1603

Certamen SS. Martyrvm Pamphili, Valentis, Pauli, Seleuci, Porphyrij, Theoduli, Iuliani, & sociorum. Ex eo, quod est per Eusebium Cæsariensem, libro 8. cap. 21. Coronati sunt anno incarnati verbi 308. ...

urn:nbn:de:hbz:466:1-42716

842 CERTAMEN SS. MAR. PAMPHILI &c.
illo caelesti, mox beatum Creatori suo spiritum
tradidit. Corpus eius honorificè sepulture man-
datum, constructo desuper nobili cœmiterio,
anniuersaria, natalis eius, côm memoratiōe illu-
stratum fuit.

I V N I V S.

C Bar. tom.
3. Annal.

CERTAMEN SS. MARTYRVM PAM-
phili, Valentii, Pauli, Seleuci, Porphyrii, Theodu-
li, Iuliani, & sociorum. Ex eo, quod est per Euse-
bium Casariensem, libro 8. cap. 21. Coronati sunt
anno incarnati verbi 308. Pontificatus Marcelli 5.
Imperij Constantini 3. sub Maximino in oriente
regnante, anno persecutionis 7.

1. Iunii.



AGNVM hîc, & gloriosum profectò
oculis nostris offertur spectaculum,
Pamphili, & sociorum virorum ad-
mirabiliũ, nã sicuti neruorũ vel vocũ
canticus, plurium sonorum varietate temperatus,
suauiter aures animũque oblectat: ita virtus
in duodenario hoc martyrum numero, in qui-
bus eiusdem virtutis splendor, & equali inæquali-
tate, mirificè congruit, non potest non animos
nostros, sui admiratione defixos, ad se rapere, &
summa quadam voluptate perfundere. Sũt enim
hîc adolescentes, simul & senes, serui simul & li-
beri, eruditi & rudes, obscuro generis homines,
vt multis videbatur, & gloria insignes, fideles si-
mũ eũm catechumenis, & diaconi cum presby-
teris, qui omnes tanquam à sapientissimo musi-
co, nempe Dei verbo vnigenito, variè pulsati,
clarissimos, numerososque, & concinnos admo-
dum

dum in iudicijs sonos ediderunt.

Inter quos Pamphilus, & fortitudine & sapientia primus, Cæsariensium ecclesiæ ornamentum, presbyterij honore insignis, ex Berythen- sium ciuitate oriundus, omnibus diuinarum humanarumque rerum, disciplinis egregiè imbutus, à carnis mundi que illecebris semper se illibatam conseruauit. Cumque & generis dignitate, & diuitiarum gloria, præstaret plurimum, delicias respuens, amplissimas possessiones præ diaque sanè luculenta pauperibus distribuit: & multò antè quàm ad hoc certamen veniret, vita asperitate egregiè se Deo martyre exhibuit.

Secundus autem post ipsum, Valès senili prudentia vir, canitie ornatus, ipsoque aspectu uenerandus, diaconatus in Aeliensium ecclesiæ officio, cù laudè summa fungebatur. Tertius uero erat Paulus, ex Iamnicarum ciuitate oriundus; vir acerrimus, & spiritu feruens, qui etiam in martyrio per cauterij tolerantiam, suscepit certamen confessionis. His in carcere duobus annis squallore cõtritis, martyrij occasio fuit Aegyptiorum quinque aduentus, qui post grauem afflictionem, è metallis dimissi, cùm domum reuerterentur, in ingressu portæ Cæsariensium, à custodibus quinam essent, & undè uenirent, interrogati sunt. Cumque qua erant animi fortitudine nihil celarent, sed intrepidè se Christianos esse faterentur, perindè ac malefici in ipso furto deprehensi, statim cathenis uincti sunt. Inde ad Præsidem adducti, & in carcerem coniectis sequenti die, qui quartus decimus erat Kal. Martij, vnà cùm Pamphilo & socijs, Firmiliano oblati. Ille autem Aegyptiorum solum periculum faciens, omni ratione antè tormenta eos

Hhh 3 exer-

Pamphili
presbyteri
encomion.

Distribuit
sua pauperibus.

Valens martyr,
Diaconus.

Paulus Iam-
nites.

Martyres
quinque
Aegyptij.

Nota respō
sū martyris.

* Antiqua-
tum erat tūc
penitus, ve-
tus, Hierusa-
lē ciuitatis,
nomen; AE-
liaque ab o-
mnibus vo-
cabatur;

Quinq; AE-
gyptij gla-
dio feriun-
tur.

Pamphili
exdes,

Porphyrus
adolescens
in signis.

Immani-
mē torque-
tur.

exercuit. Atque eorum quidem principem cum adduxissent, studiosè de nomine & patria quaesivit. Ille verò caelestem Hierusalem patriam suam, omniumque Christianorum esse respondit. Iudex autem cogitatione ac mente humi defixus, quænam illa ciuitas esset, & ubi terrarum sita accuratè perscrutari cœpit: & illatis tormentis urgere, ut verum sine ambagibus fateretur. Existimat enim tyrannus ciuitatem illam Romanis infestam, summum esse Christianorum robur. Vnde animi dubius, instabat vehementer tormentis, & curiosè de ciuitate illa Hierusalem multa inquirebat. Cum autem adolescentem diu flagellis cæsum, nullo modo ab animi constantia, & ab ijs, quæ prius dixerat, dimoueri posse cerneret, capitis eum sententia damnauit; reliquosque Aegyptios simili palæstra exercitos, idem supplicium subire fecit.

Deindè ad Pamphilum transiens, percunctatus est ab eo, num tantis supplicijs, quæ mente, oculisque in alijs hauserat edoctus, sanioribus statueret parère monitis. Cum verò ab unoquoque eorum responsum præclaris martyribus dignum accepisset, in eos similiter capitis sententiam tulit. Aderat tunc ibi Porphyrus, spectatæ indolis adolescens, nõdum totos octodecim annos natus; qui ut primum latam aduersus dominum suum cognouit sententiam, in media multitudinem exclamans; Rogo, inquit, ut corpora humi mandètur. Iudex autem quauis fera agrestior, eam vocis libertatem indignissimè ferens, Porphyrum corripit, totisque viribus à tortoribus cruciari iubet. Cum verò sacrificare præcisè recusaret, ferro viscera, ossaque scrutari, & latera tormentis exagitata, pilorum textis atteri, ac de-
indè

indè lento & molli igne, generosum martyrem
 torreri iubet. Licebat videre Porphyrium instar
 inuicti athletæ, corpore puluerulentum, vultu
 læto, animoque exultanti, ad mortem progredi.
 Cumque ad rogam appropinquaret, eadem ani-
 mi alacritate, in medias flamas ingressus, notos
 ac familiares suos cõsolabatur: ac tandem Chri-
 sti Iesu nomine, sine intermissione inuotato, læ-
 tus martyrij palmam appræhendit. Atque hic qui-
 dem cum ante Pamphili consummationem pos-
 tremus accessisset ad certamen, prior, è corpore
 excessit ad Dominum.

Cõburitus.

Eo hoc modo coronato, Seleucus lætābundus,
 Pamphilo foelicem eius exitum nunciauit; cum
 que osculo salutasset martyres, compræhensus
 illicò à militibus, capitis supplicio affectus est. Is
 erat è Cappadocum regione oriundus, & præ-
 clara militaris virtutis indicia, in Romano exer-
 citu, varijs dignitatibus ornatus, ediderat. Quin-
 etiam statura, viribusque & magnitudine corpo-
 ris, reliquos omnes longè superabat; ipso quoque
 aspectu, tam propter magnitudinem animi, quàm
 corporis pulchritudinem, omnibus erat admira-
 bilis. Atque in principio quidem persecutionis,
 varijs in certaminibus, iam admodum clarus e-
 uaserat. Postquam autem à militia separatus
 fuit, totum se ad pietatis studium contulit; pro-
 fus ut pupillorum & viduarum patrocini-
 um sollicitè gereret, & paupertate, alijsque calami-
 tatibus oppressos, mirificè recrearet. Quamob-
 rem meritò dignus habitus fuit ea martyrij co-
 rona, quam vno & eodem die athleta decimus,
 fortiter viriliterque appræhendit.

Seleucus eõ
præhëditur,
& decolla-
tur.

Eius enco-
mion.

Christiani
omnes, Im-
peratorum
edicto, no-
tati erant in-
fama, & rã-
quam infã-
mes, militia
fuere existi-
mati indi-
gui.

Seleuci deindè vestigijs instatit Theodulus, vir
 & mo- rum grauitate, & cana prudentia admodum
 vene-

F h h 4

vene-

Theodolus
senex eximius
crucifigitur.

venerandus; qui primum honoris locum inter Præsidis seruos, & morum & prouectæ ætatis gratia, obtinuerat; proauus enim erat, id est, tertie progeniei pater. Is autem quod exemplo Seleuci, properantes ad certamen martyres osculo salutasset, ad Dominum adducitur, Crucique affixus martyrium subiit.

Iuliani præ-
stanta virtus.

Cum post hos vnus adhuc restaret Iulianus, is ea ipsa hora qua peregrè veniebat, ne ingressus quidem ciuitatē, statim vt erat ex itinere lassus, ad certaminis locum perrexit, visaque sanctorum corpora, humi hinc inde strata, vnumquodque eorum, peramanter amplexibus strinxit, & fufis præ gaudio lachrymis rigauit. His pietatis operibus intentum comprehendunt lictores, addu-

Cõburitur.

ctumque ad Præsidem, ex eius mandato, lento igni subiiciunt. Iulianus verò incredibili gaudio inter ipsas flammæ exultans, magnaque voce Deo, qui tantis eum bonis dignatus esset, gratias agens, in choros martyrum assumptus fuit. Erat autem is quoque genere Cappadox, pietate plenus & fide, vir ingenio admodum miti mansuetoque, ideoque tantorum martyrum consortio dignus. Et quidem quatuor dies, totidemque noctes, sanctissimæ martyrum corpora, bestiis carniuoris exposita fuere. Cum autem diuino beneficio ab omni ferarum incurfu, salua & integra permanerent, à fidelibus debito sepulturæ honore excepta, in quibus templorum reposita fuere:

Corporas-
honoranda.

re: vt à populo fideli, ad maiorem Christi gloriam, perpetua veneratione colerentur.